



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vita Ioannis Berchmanni Flandro-Belgæ Religiosi
Societatis Iesv**

Cepari, Virgilio

Antverpiæ, 1630

Quantum libris sacris legendis temporis impenderit.

[urn:nbn:de:hbz:466:1-46083](#)

verbo possit , si ritè & in tempore facta à Ioanne fuisse omnia dixero quæ Religionis erant ; sed distinctius aliquantò ad nonnulla descendendum est.

Ioannes igitur , quæcumq; ad Religionem *De eius studio spi- ritualium rerum.* spiritumque salutaria existimabat , siue visa abs se essent, seu audita, seu lecta, in maximis ducebatur bonis: ratus, naturæ scientiarumque ornamenta in homine spiritum non habente, instar nudi gladij esse , in manu hominis furiosi, neque paulò putabat utiliorem Religiose familie virum spiritu feruentem , et si minus à litteris ingenioque instructum.

Ter quothebdomadis in tergum suum verberibus animaduertebat , aut plurimum quater. Solemnieribus prætereà Festis cilicio corpus exasperabat, sed rariùs, cùm id ei ob inualetudinem esset interdictum.

Extra statam Societati Feriæ sextæ inediām , alterum perpetuò iejunium honori beatæ Virginis , Sabbatinis omnibus diebus adhibebat: quo constat , nihil supra pœnarum asperitatumque modum ab eo fuisse suscepimus.

In obuia quaque re corporis sui vexandi afflictandiisque ansas conquirebat , sedens fletensve nullo vñquam fulcro nitebatur.

Dimidiam quotidie horam piorum libro- *Tempus le- gendis li- bris sacriss.* rum lectioni tribuebat; ne momento quidem

K 2 vesper-

vespertini temporis illi lectioni constituti intermisso. Quod deficerent eum latera ad triclinij magnitudinem vocis suæ tenuitate explendam, ne legendi tamen onere eximetur, ut in Nosocomio domestico super mensam conualescentium de altiore loco legere posset impetravit. hoc nempe compendij se amplius facere ad lectionem piam dictabat.

Statim à fine Litaniarum, quæ in cœtu publico ab omnibus recitantur, in cubiculum se recipiebat, siue secundæ mensæ accubisset, siue ministrasset, ut tantò plus spatij ad vacandum lectioni sacræ obtineret.

Hebdomadariæ relaxationis die, aureolum illum Thomæ Kempensis de Christi imitatione libellum in vineâ per horam voluebat; temporisque tantumdem quotidie eidem tribuebat maiorum vacationum ferijs, cùm Scholaftici nostri à lectionibus Frascatam animi laxandi caussâ mittuntur. Quotiescumque cælesti se pabulo refecerat, vniuersum quod meridiem antecedit spatium, legendis SS. Patrum codicibus impendebat; neque ullum hoc esse studiorum dispensandum, sed compendio compensari diuinitus, asserebat. Tempus quod studijs negotijsque supererat, aut sacrorum librorum voluntationi aut orando adhibebat.

Para-

Paratissimus erat , quoties rogabatur, pro quocumque orare , aliorumque se precibus inuicem solebat commendare . Tria verò præcipue impetrari sibi deposcebat, insignem sanctitatem , excellentem eruditionem , firmas corporis vires . Primum quidem absolu- tè ; alterum ac tertium , si è maiore Dei glo- riā foret.

Præ ceteris, perpetua orandi iungendiisque se Deo consuetudo, manabat illi iugiter velut è suauissimâ quadam scaturigine amoris ac voluntatis.

Affiduâ præsentia diuinæ dulcedine frue- batur, re nullâ priùs factâ , quâm cum Deo pertractatâ . Hinc tanta operum ab eo suscep- torum perfectio, ac splendor, quo oculos in se omnium conuertebat . Numquam pere- grino orandi meditandiisque genere vſus:præ- scriptam à S. IGNATIO rationem affectu ma- ximo imbibere conabatur accuratissimus sci- licet monitorum omnium, legum præcepto- rumque obseruator, quæ tantus orandi Ma- gister suo Exercitiorum libello docet ; nec la- tum ab his vnguem digressus: probabatque mirè illam meditandi rationem Romæ ex- cusam , quâ Romani nostri Tyrones vtun- tur , quæ sibi vtique commodissima , proxi- maque Ignatianis exercitijs videbatur: & hac ille viâ tantam tam insignem orandi medi-

K 3 tandi-

tandi^{que} præstantiam est assecutus, vt omnibus se diceret mentis euagationibus in orando immunem; neque sentire per id tempus aut aculeatos pulicum morsus, aut molestiam insidentium muscarum. Numquam se prius lecto dabat, nisi perfecto prius disposito^{que} crastinæ meditationis argumento, quæ deinde prima erat manè euigilantis cogitatio. Ut verò intelligat quilibet, quām accurato se studio ad matutinæ orationis horam compararit (quæ nobis omnibus Societatis lege est constituta) operæ pretium vi- sum fuit ea omnia, quæ eō referebat, ad calcem Libri huius subiungere, atque ipsis eius verbis exprimere, quò gratius sit lectori studium, lectu sanè dignissimum.

*Quid faceret confur-
gēs lectulo.*

Dum communi viueret contubernio, quamprimum lectulo eripuerat sese, lignæ crucis icunculæ aduolutus, calidissimis idemtidem suspirijs eam exosculabatur; interque vestiendum, ardentioribus etiam peccatus inflammabat affectibus: ac bis fortè accidit, vt Ioannes falsus quiete sui contubernalis, (quem exisse cubiculo crediderat) contentiore inciperet voce breues aliquas Scripturæ sententiolas vibrare; cuius mox animaduersa præsentia, virgineus scilicet pudor deprehensum perfudit, coëgitque moderari voci. Alias quām citò se in pedes erexerat,

geni-